

ALEXANDRI
DE SCARLATTIS

ABBATIS S. MARIAE POLICASTRENSIS.

EPISTOLA

AD EMINENTISSIMUM PRINCIPEM

FRANCISCUM
BARBERINUM

S.R.E. CARDINALEM

VICECANCELLARIUM.



ROMAE,

Ex Typographia Io: Iacobi Komarek Bohemi. 1676.

Superiorum Permissu.

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

TEL. 733-4331

1970

1971

1972

1973

1974

1975

1976

1977

1978

1979

1980

1981

1982

3
EMINENTISSIMO PRINCIPI

E BARBERINIS CARDINALIBVS

S. R. E.

VICECANCELLARIO.

ALEXANDER DE SCARLATTIS

Fælicitatem.



ACRAS olim euoluens Historias ,
successum reperiui planè admirandum ,
præcipuèque dignum , qui Eminentia
Tuæ,totique Excellentissimæ Barberinæ
Genti innotescat; vel , (vt potius reor)
iam inolitus memoretur . Res his ver-
bis describitur .

Eodem anno (salutis scilicet 672.)

*Recensuuntus Hispanorum Rex , ubi ab obitu Patris regnasset
annos 22. & menses sex, mortuus est Kalendis Septembris, deside-
rium sui relinquens, utpotè Regis optimi, Ecclesiæque valde
proficui; cuius, cum nulli extarent filij, fratres autem ob nimiam
imbecillitatem Regni administrandi incapaces esse viderentur;
omnium, tam Populi, quàm Magnatum consensu, in eiusdem
locum inuitus, ac diù reluctans, vi adhibita susceptus est V am-
banus, ex Regio Gothorum sanguine ortus, decessori, haud pietate
impar, qui cum in Regem vngeretur, è vertice, ubi oleum San-
ctum perfusum fuerat, euaporatio quædam fumo similis in mo-
dum Columnæ se erexit, & ex ipso capite Apis visa est profilire,
& ad Cœlos volare; quæ signa fuerunt secuturæ, sub ipsius Regi-
mine fælicitatis .*

A 2

Hæsi,

Hæsi, ac simul gaudio exultaui (Eminentissime Princeps) agnoscens in hisce prodigijs præclarissimæ Barberinæ Tuæ familiæ, inclytæque Columnensis gentis originem, aut saltem, mutuam vtriusque affinitatem, diuinitus tot ante sæculis, tamque augustè adumbratam. Omitto adimpletum videri memorandis Martini V. & Urbani VIII. Principatibus, quod Columnensis, & Barberina Profapia, de Sancti Spiritus irrigatione, seu gratia in sacro illo prodigio exordium, & virtutem acceperint; At cur præteream, vt olim de Vambani Regis capite Columna, & Apis, sic nostro æuo de Reginæ Ecclesiæ capite Christo Sacramentale fœdus Apis Columnæque ad Principum Thadæi, & Annæ faustum coniugium prodijisse? Volauit quidem Apis ad Cælum illo per omnes nobilis, & Christianæ mentis actus à mortalitate dimisso: Columnæ euaporatio fumo similis, vt est vita præsens, apparuit nobilissima, hæroicique animi fœmina nuper extincta, in hoc tantum vaporis absimilis, quod remanentem probitatis odorem nulla dissolutura est ætas. Indè autem sequutam fœlicitatem nemo inficiabitur, superstite tantarum prole virtutum, vt de hac multo æquius, quam olim de Romani equitis Infante promere liceat.

Iam noua progenies Cœlo demittitur alto.

Quasi demissa Cœlo Camillula, nondum biennis, facta Deo primitiæ Sancti Coniugij, rerum humanarum caducitatem, ignorans, Cœlo repetita est.

Carolus, non tam Purpuræ, quàm innocentia nitore clarus, Vrbe, ac ideo Orbe, mirante talem se gerit, vt detur cefari, cum multos nequitia in profligata ætate, non sinat esse Senes; Principem istum, virentibus annis à probitate non fini iuuenem videri. Sic tu, Antoniusque frater, quamuis eò laudum, & gloriæ prouecti reperiamini, vt non quidquam possit addi fastigio; adhuc tamen crescit in nepote, meritorumque suorum, quasi gradibus ascenditis excelsiores.

Lucretia neptis magis ipsa virtus, quam imago virtutis, vt cætera omittantur encomia, quantum à muliebris spiritus dif-

flet

stet, infirmitate Serenissimi, magnanimique Coniugis, Matrisque incomparandæ iacturam fortiter tolerando, commendavit.

Maphæus Prænестinus Princeps in spem pulchræ propagationis constitutus, qua magnificentia, pietate, prudentia administraret, seu potius dispertiat opes, nemo absque plausu intuitur.

Nicolaus magna candente Cruce, illustri pectoris ornamento, visceribus absorta fereque in substantiam cordis conuersa, splendidus suimet contemptor, pugnas ambigui Martis sibi à Turcica barbarie ingruentes, indito nomine pijssimæ Oratorij familiæ, magisque ardua (vt fama est) adhuc mente concipiens, certas effecit de inimico Mundo victorias, verè in Adolescentia super senes intelligens, dum cœlestis Regni margaritam, fragili sæcularium illicebrium vitro anteposit. Ego sanè (Eminentissime Princeps) inter tot virtutum, & Maiestatis oblectamenta, quin tui tuorumque totus sim declinare non possum; nec nouus iste Clienti, vt verbum à Poeta desumam:

Venit amor subitaque animum dulcedine mouit;

At priusquam præpositi mei cardinem attingam, aliqua præfari de me, pluraque de Amicis, & Mæcenatibus meis disserere liceat.

Florentiæ quinquennis puer Grammaticæ, ac Religionis elementarius commissus fui curæ Antonij Vestrucchi, magnificum Claustrum Laurentianum colentis, inter nobilis illius Basilicæ Mansionarios. Erat ille tunc septuagenarius, amæno ingenio, musices, picturæ, ac plasticæ non ignarus; Apprimè autem de macerata fusilique papiro in cauos types artificiosè dispersa, statuas, vel superficialis cælaturæ imagines, aliaque opificia lepidè efformabat. Adnumerabatur Metropolitici templi Cantoribus voce pollens ab alto denominata, deseruiebatque à Sacris Cosmo Principi, Magni Ferdinandi, & Heroinæ Lotharingæ primæuo, quem & si postea in Etrusco Regno suffectum vix trigenarium, mortis rapacitas abstulit,

lit, diuina largitas præstat superstitem in Ferdinando Filio, regalis illius Spiritus sponfore ægregio. Stabat idè Vestruccius antemeridianus ad vetus illustre prætorium, quo rei Sacræ interfuturus, adueniebat ille ingentis spei porphirogenitus, ab altero moliminis recentioris palatio per prolixa, ornatissimaque ambulacra iungentia veterem, nouamque Regiam, licèt laxo interuallo, & ipso amne Arno interfluente distantes. Erat simul Præceptor Hugoni, Hippolytoque filijs Simonis Comitibus de Gherardesca, cuius Auunculus Cardinalis Medicæus paulò post ad Pontificatum euectus breui 26. dierum lætitia cognatos, & affines suos, at longo mærore, proprio nimis obitu, Christianum orbem repleuit. Nullis vnquam horis à diligenti Sene Vestruccio nisi quieti vacante dimittebar, adeò vt quocunque iret, vellet me comitem, paternè admonendum, præcipuèque in supra laudatorum nobilium fratrum, consuetudinem induxit. Non parum delectabatur si ad sacram aliquam cantionem, organis vocem gubernaturis me instrueret, aut mihi aliquid memoriter discendum mandaret, ad venerationem Diuinitatis, vel ad vitæ innocentiam in cœtu nobili pronuntiandum. Triennio in liberalibus huiusmodi exercitationibus vix expleto, dimisit me beneuolus senex, quippè à mortalitate dimissus, ob æstum intra viscere excitatum ex motu, & cantu in sanctis præcationibus longissima lustratione, ad peruigilium Diui Præcursoris Domini agi consuetis pompa ferè triumphali. Sanè hic venerabundus memorare compellor inclytum Principem in ea celebritate fulgere solito augustiorem, potentemque Aulam, Ciuitatemque vniuersam cultu nitidiore incedere. Tunc sacra in exultationem perstrepunt aera, nocturna lumina, & innoxia incendia, per orbem, aut rectos volatus in aureum imbrem definentia, reducunt diem, viarum strata plurimis iactatis frondibus, floribusque pinguntur, extrinsecæ domorum facies aulæis ornantur, & maiorum desuper affixis imaginibus, inter ludos, & spectacula antiqum Romanorum maiestatem referentia,

ipsi-

ipsimet vita functi Proceres vocari aliquo pacto videntur ad gaudium .

Vestruccio erepto, contigit mihi quotidiana institutio Francisci Marchionij è grandioribus candidatis Cleri Metropolitani, qui cantui pariter, & organis pulsandis incumbens, & idè frequens in Domibus Iacobi, & Bardi Cursorum, fratrum, generis nobilitate, diuitiarum affluentia, & musicæ cultura spectandorum, non fuit me frigescere in huiusmodi studio, licet ad latinam dictionem præsertim erudirer. Inde, mihi dati Magistri Christophorus Maluezzius, & ipso, humanis sublato, eamdem mihi operam præstitero Albericus eius frater, Petrus Amadorius, & post ipsum Lucas Batus. Acceptis Marchionnij, sat longo tempore institutis, subiui rudimenta Raphaelis Lanzini, Presbyteri haud ineptè cordatis; eo autem vsus ad annum salutis 1599. ætatis meæ vndecimum, commendatus fui Patribus Societatis Iesu, litteris, & Christianis moribus informandus. Priorem nactus sum apud eos vtriusque artis Doctorem Andræam Lutium Senensem iuuenem, optimum, ibidemque condiscipulos habui Ioannem Dominicum Othonellum, nunc Iesuitam eximium, & Ioannem Ciampolum, pridem amicum, mox, & affinem meum, ingenij scèlicitate, ex illis iam annis, velificantem ad scientiæ, honorisque altitudinem, quam Ioannis Baptistæ Strozze pietas induxit, & Barberiana munificentia insigniter absoluit. Ipso met tempore frui cœpi familiaritate Alexandri Berti nobilis adolescentis idem adeuntis gymnasium. Florente ætate flos ille virtutum vitæ subtractus est: tanta autem relicta fama pietatis, vt eius descripta vita; multisque modis effigie delineata, in eius venerationem aris, & thure vix temperetur: Sanè funus illius non fuit tacitum: nec pauca de ingenioli mei penuria eduxit. Hoc tantum, quod memoriæ obuenerit opponere audeo.

*Mors pueri mirata decus, mentemque senilem
 Ut cbara hæc (inquit) præda foret superis!
 Iamque gradum sistit telum missura; sed ostiat
 Quod te Virgineo fulgurat ore iubar:
 Quid faciat? spectare nequit quod dirigat ictum:
 Cesset? vibrantem condere tela pudet:
 Hæc puer ut sentit demittit lumina: fulmen
 Illa iacit: somno hic cedere visus obit.*

Ibidem iure necessitudinis adiunctus sui Andreæ Saluatorio Italica postea poesi, famam non vulgarem assecuto.

Illa etiam potitus sum sorte, ut ad Hippolytum Galántinum frequens accederem, ac Beatam Mariam Magdalenam de Pazzis, ac Venerabilem Pasitheam item viderem, magnâ vnumquemque nomina Sanctitatis.

Tanta autem beneuolentia me complexus est Laurentius, vulgò delle 'Pozze, memorati Iesuitarum instituti Professor, diuite ingenio, & multiplici doctrina pietati admixta spectandus, ut ultra quinquagenarium spatium velut in filium ille erga me affectu fuerit, ego illum defunctum ferè nonagenarium, colucrim, quantum à non ingrato filio redamari vnquam possit amantissimus Pater. Ab illo absens eidem crebra litterarum reciprocatione præfens fiebam. Quas ille ad me dedit, quantum diuersa mea itinera permiserunt, tamquam dulcia ingenij, amorisque sui munera asseruau. Hic verò liuidum me vel inurbanum censerem in Io:Paulum Oliua, tunc Romæ in Collegio Germanorum longè iuniorem commilitonem suum, nisi pauca referrem ex non paucis, quæ ad me de illo Neapolim ab Vrbe scripsit Laurentius, præsertim 4. Nouembri 1627. *E un gran tempo, che io non hò veduto più, e' mag-
 giori talenti in un petto ammassati, come in persona sua: giuditio
 profondo, memoria robusta, ingegno, non so se più ameno, o più
 acuto, e saldo: eloquenza pellegrina: pietà straordinaria: humil-
 tà, rispetto, amore, magnanimità in grado eccelsò. Dio li dia
 vita.* Annos iam triginta tres, ex illo flore iuuentutis enumerat.

Quem-

Quemadmodum in virum perfectum excreuerit agnoscit Orbis Christianus, & à Summo, & optimo Pontifice Alexandro eum in Diuini verbi præconem sibi (vt antea Innocentius) adhibente, honorificentissimè innuitur.

Anno 1607. mense Septembri in ipso litterario ludo primum mihi auditum est præsulis Barberini nomen, cum promotionis nuncio, eiusdemque encomio, vnde scintillæ obsequij erga Principem dignissimum menti meæ iniectæ, postea creuerunt in vastum reuerentiæ ardorem.

Transacto in illis Classibus octennio, in quibus item præceptores habui pietate, atque eruditione non aspernandos, Marius Viola, Dominicum Carpianum, Stephanum Asturiarum, Ludouicum Thebaldum, Theodorum Orlandinum, Titianum Theophilum, & Ioseph de Castro nouo, etiam post illa tyrocinia de me optimè meritum, Bononiam perductus sum ab Auunculo meo Mario Lando tunc tēporis illius Urbis Incola, multis Patrem meum laudantibus, quod licet tribus alijs masculini, totidemque infirmioris sexus grauatus liberis, vt maximi, Sanctissimique Doctoris verbis vtar, vltra vires rei familiaris suæ impenderet filio etiam peregrinanti, quæ studiorum causa opus esset. Ingressus amplam illam Ciuitatem in fidem receptus fui Cardinalis Iustiniani Legati de latere ipsam moderantis, ideoque consuetudinem allecutus Thomæ Mancini Picentis ei ab Epistolis, ante à Ruuereo Cardinale, vsque ad eius obitum stipendia emeriti, viri ætate quidem, ac valetudine effecti, at viuidi adhuc ingenij, politiorisque litteraturæ instructissimi, cui libens adhærebam, quantum mea Iuris studia patiebantur, ne penitus aboleretur, si quis esset in me latini color sermonis.

Eo adhortante obtuli aliquando Equiti Nerio Dragomanno Cardinalis domini sodalipotius, quàm famulo, at valdè merenti, non vilia poma, quæ Florentia acceperam, additis versiculis.

Accipe flos Equitum fructus telluris Etruscæ.

Spernere nec magnus munera parua velis;

Non te digna quidem, lenibus, sed sæpe tributis

Quidquid abest, fido pectore pensat amor.

Auditor aliquando fui Sebastiani Reguli, & Ioannis Elephantucciij Philosophorum. Delectabar etiam prælectionibus Ludouici Scapinelli Mutinensis, luminibus ab infantia orbat, humaniorum litterarum peritia pænè singulari. Interueniebam scholis Angeli Spannocchij Iurisconsulti primarij, Annibalis Marescotti, Hieronymi Buccaferrei, & Ioseph Giouagnoni. Is verò, à cuius latere nunquam discessi, fuit Camillus Gypsius in me paterna ferè charitate propensus, processu temporis ab Urbano VIII. Senatoria claritudine in patria exornatus, post Cardineam purpuram æquis, sapientissimisque arbitrijs eiusdem Pontificis Berlingerio fratri, non paucis titulis, promerenti delatam.

Ibi parva mihi beneuolentia Io. Baptistæ Rinuccini, postea per varios Aulæ Romanæ gradus, ad Archiepiscopatum Firmanum, & Pontificiam Hybernicam Nunciaturam elati, Florentiæ item, ac Romæ, tandemque in hac ipsa Lutetiana Ciuitate in mei fauorem perhumaniter addicti, altius facili ascensuri, si longior ætas eius meritis adnuisset. Eadem in Academia perhumaniter in me ferebantur, inter alios non paucos, Gaspar Marcuccius inde insignis Philosophus, Benedictus Deodatus, & Ioannes Paulus Cenamius nobiles Lucenses, & de Florentina nobilitate Vincentius Strozza, Philippus de Hieronymis, & Philippus Strozza, iam tum Abbatiali titulo clarus, omnium iudicio in summæ dignitatis consumationem iturus, nisi mors immatura pulcherrimum florum apparatus in fructum adolescere prohibuisset. Beneuolis amicorum officijs mihi etiam quæsitus fauor Francisci Boncompagni studiosi, pijque adolescentis Sorani Ducis filij, postmodum Cardinalis, & Neapolitani Archiepiscopi; gratia ibidem mihi non defuit Ludouici Gonzaga, tunc Mantuæ Pri-

Pri-

Primicerij, deinde Albenſis Epiſcopi, ſplendore generis, multiplicique virtute ſpectandi; Eodemmet tempore cæperunt me addiſta ſtudia in Marchionem Fachenettum, Cæſaremque eius filium, tunc ſerè infantem, poſtea ab ipſomet Pontifice Vrbano inter Romanæ Curia Prælaros, & Sacri Collegij Patres adnumeratum. Hunc ſemper ornauit morum innocentia, tantoque iſ eminent cumulo meritorum, vt è Diuina humanaque re videatur, optare illum Innocentio Nono patruo magno, dignitate parem, longæuitate maiorem. Summo ibi in honore habui Vgonem Albergatum, Fabiumque, & Nicolaum eiufdem filios tunc planè pueros, poſt autem non tam in maturitatem annorum, quam in conſumptionem virtutum proueſtos; Fabius, ſpretis aſſantis fortunæ blanditijs, ad vexilla Crucis in Societatem Ieſu confugit, Nicolaus ab affinibus Ludouiſijs, vt voluit Innocentius Decimus aſcito cognomine, acceptæ Purpuræ nouis quotidie ſplendoribus intendit iubar, meumque obſequium, tanta humanitate intuetur, vt abſque ingrata mentis nota illum ſilens præterire non valeam. Accedit, & tertius frater ætate minor, in Sacro Romanæ Curia Auditorio auitis laudibus grandia præbens incrementa. Nec quidem omittam Hieronymum Caprara ſenem magnificum, candidumque honeſti cultorem. Hic me ædibus ſuis contubernio proximum frequens vocabat, & ad dulce rus, quod ſibi ſub vrbe erat deducens, delectari videbatur meo idiomate, quod ego in illis annis recens à patria nihil tale cogitans, illam extra ſimulationem, innato vocis inflexu, & gutturiſ, vel oris aſpiratione ingenuè profitebar. Erant penes ipſum Carolus, & Maximus filij iam proueſtæ ætatis, ac perfectæ virtutis. Maximus poſtea coniugio ſociatus leſtiſſimæ Comitſ Alberti Bentiuoli filia ſuſcepit egregiam prolem in qua ipſiuſmet, maiorumque mores, non ſine amoris ſenſu mihi obſeruantur. Longa texerem Commentaria ſi quæ mihi de Vrbe argoque Bononiienſi grata obueniunt de cœli clementia, Soli amœnitate, atque vbertate,

tate, de Ciuium suauissimus affatibus, diuitijs, magnificentia, operibus, religionem, pietatem, omnesque bonas artes spectantibus, vellem, non dicam ornando, describere, sed numerando censere. Omnia hæc famæ remittens, nil sanè in maius laudanti, meminerim tantum Georgij Iustiniani Iesuitæ piam facundiam, quæ instar Sermonis, Eliæ iuxta diuinum effatum, quasi facula ardebat; nec solum ex industria se ad omnium statum, vel nobilium, vel artificum, vel puerorum, vel muliercularum mirè adaptabat; sed eò euadebat etiam in circumfusa innumerabilium audientium multitudine, vt singulis vno eodemque tempore ad animi necessitatem loqui, nil vt plurimum mediatum, quin potiùs à diuersis Christianæ actuosæ vitæ lassus exercitationibus, vim afferre, ipsimet, qui hæc fæliciter patiebantur, altè admirantibus videretur. Trahor, vt memorem Iulium Mazarinum, eiusdem Instituti cultorem optimum, ex eo tempore in multos annos eius Collegij domicilio præscriptum, vbique pariter multò post, in bona, cunctisque venerabili senectute defunctum; Magna hic erat in existimatione, ac beneuolentia penes Vrbanum maximum tunc Cardinalem, visusque est præludere clarissimis gestis, per alterius Iulij Mazzarini gentilis sui, quum idem Pontifex, te sanè, & Antonio purpurato fratre adiunantibus, in Sacrum Cardinalium Collegium, ascuerunt, vt de Purpuræ celsitudine darentur præmia, ostensæ virtuti, magisque indidem probandæ, vires suppetere æquiores.

Primo meæ Bouoniensis diuersionis anno, ætatis autem vigesimo, cum illius Archigymnasij stet consuetudo, vt geminæ orationes in diebus Lucalibus, veluti classicum ad studiōsâ Iurisprudentiæ, artiumque certamina celebri apparatu habeantur, mihi impositum sensi alterius munus; cui quidem obeundo, præsentem habui Legatum Iustinianum, & quidem inuenibilis ausibus meis mirè fauentem. Par mihi postea fors obtigit Romæ, vt in Sacris Pontificijs ædibus anno

supra

supra milleſimum ſexcentefimo vigefimo ſecundo coram Gregorio XV. Sanctiſſimā Trinitatem, & ad finem vigefimi quarti, in exordio Iubilei coram Urbano VIII. Sanctum Ioannem Euangeliftam, meis quamuis rudibus Sermonibus venerarer.

Quadriennium Bonoinæ traxeram, vt in optimæ Studio- rum matris gremio ad ſcitu dignarum rerum notionem aliquam enutrirer, iamque I. V. Lauream aſſecutus fueram de anno 1611. cum in ea Legatione Cardinali Iuſtiniano, erga me benignè inflexo, Cardinalis Barberinus ſuffectus eſt, inde ſupremus Eccleſiæ gubernator futurus. In Principe muſarum, & virtutis alumno diuina bonitas iuuentutem meam lætificauit, quandoquidem, & Alexandri Barbadori eius Auunculi, & Friderici Elephantucci Senatoris Bononiensis commendatione, & ſuimet animi magnitudine, nihil in me, honeſtando prætermiſit, vnde ſibi me deuinciret. Ego verò Florentiam rediui, benignè mihi à purpurato Barberino data diſcedendi venia, ſed ne in loco obliuiſcar Patruſ tui clementiſſimi, non reticendam in me bonitatem, ingenuè fatear, quod percepi à Ioanne Ciampolo ſincerè, ac ſeriò aſſerente, obueniſſe animo Sanctiſſimi Principis Romam me euocare tibi ad ſtudiorum gratiſſimos labores ſamulaturum, nec illum aliam ob cauſam ſubſtituiſſe, niſi ob aliquam de mea valetudine diſſidentiam, cum præſertim, dum ipſa hæc agebantur ægrotarem. Inuidit fortuna mihi egregiam ſortem, nullam tibi, tum quia aſſeculis me aptioribus non caruiſti, tum etiam, quia meus in te ſenſus fuit, eritque, qualis actu acceptiſſimi ſeruitij excitari vnquam potuiſſet.

Florentiæ à Ioanne Ciampolo tibi, cum Parentibus Bononiam tranſeunti, exhibitus fui, Eminentiſſimi Patruſ venerator, tuarumque virtutum, in illa iam ætate illuſcentium amator ardeſcens. Manſi Florentiæ quadriennium, quotidiana Ioannis Baptiſtæ Strozza conſuetudine fruens, viri nobilitate non minus animi, quam generis, pietatis, beneficentiæ, multipliciſque doctrinæ, ac litterarum laude ſpectandi.

Pla-

Planè gloriabatur optimus Senex iura se à iuuentute coluisse. gratæ necessitudinis in Franciscum Barberinum Romanæ Curiae Præfulem, domusque tuæ illustrissimum verticem, tunc iam grandæuum, eoque optante factum se Maphæo adolescenti indiuiduum sodalem, animos, morum, studiorumque laudabilium glutino (vt sic loquar:) copulante. Quæ tunc ab homine candidissimæ mentis, eloquijque: (si vnquam in alio) dulcis audiuerim de prouidis Francisci consilis in Maphæi regenda iuuenta, & iñdole ad virtutem informanda, non est præsentis tempore enarrare. Id tantùm effabor, visum scilicet animi paterni Patruo, sacro nepotem aptare imperio, nec defuisse qui cum eo conciperent tempora Pontifici præludere cuncta futuro. Vide igitur (inlytè Princeps) à quo tempore, & quam altè cordi meo in in te, clarissimamque gentem tuam veneratorius infixus sit amor.

Dicere hic allicior tunc à me, meisque impensè optatum, vt ad obsequia augustæ Medicæ Domus Carolo Principi iam propè purpurando reciperer, nec votis meis amicam opem nobilium vindicum defuisse: è quibus, ne ingrati macula inficiar, libenter recolo eumdem Ioannem Baptistam Strozza, Marchionem Franciscum Gonzaga, præfati Ludouici germanum, Comites Albertum Bentiuolum, & Paulum Boschetum, alijs etiam beneficentiæ titulis, quamdiu me vita non deferat, animo meo gratia recordatione mansuros. Cæterùm fiducialiter, at verè, profitebor me impotem voti, ob infirmam valetudinem, sollicitum tamen fuisse, vt Familiæ huius Serenissimæ amorem mererer, factumque postea, ex ipsius munificentia, vt Carolus frater meus gauisus sit honore ipsi deferuendi, domusque nostra, etiam post fratris obitum, Ferdinandi Secundi Ducis non tamæ dignitate, quam meritis verè Magni, largitatem agnouerit.

Florentinæ Ciuitatis iura nobis cum scœnore restituta fuere, Serenissimorum Principum indulgentia, ex quo Alexander Auus meus Florentiæ à pueritia versatus, & in Castris Magni Cosmi

Cosmi stipendia emeritus, illuc tandem (iturus in Galliam, Cisalpinam, vocante Parmensium Duce, credita illi leuioris armaturæ Equitum præfectura) domum suam retulit ab vrbe Luca, vbi Bernardus, seu Bernardinus eius Pater Mediolani natus, & educatus, cum Alexandro genitore, alterius Bernardi filio, reduce in Tusciam, vsque ad 1541. substiterat, comiterque à Senatu Lucano exceptus, vxorem ibi è selecta nobilitate duxerat, Ciuitate donatus, amplissimo diplomate de mense Maio 1525. quod apud nos asseruatur adhuc. Sed hic parcas Eminentissime Princeps fiduciæ meæ, si vbi de Auo Proauoque meis, viris vtique de familia nostra benemerentibus sermo incidit, addam quos, ad excolendam ipsorum memoriam, versiculos aliquando, humili modulatus æuena, Patri meo obtuli, & primum quos in laudem Bernardi scripsi, pro ea qua polles, humanitate libenter audi.

Infuber Etrusco BERNARDVS sanguine natus

SCARLATTÆ gentis gloria quanta fuit?

Armatus doctor, belli legumque peritus.

Viribus emicuit, claruit ingenio:

Lucana PAVLVM comitatus ab Arce vocantem

Affiduum Domino præstitit obsequium.

Tum PAVLI Genito, magnisque Nepotibus, idem

Impendit studium, mortis ad vsque diem.

Testatum id voluit grato RANVCCIUS Vrbi

Funere, quod maduit fletus ab imbre sui

LILIA sic nobis niteant FARNESIA semper,

Nostrique continuo, hoc flagret odore Domus:

Accipe dein reliquos, & in vna Aui mei Alexandri immatura morte, sinas me flere domus nostræ iacturas, quæ pene post modum ab interitu vindicata, in quinquenne tunc puero genitore meo Pompeio, admirabili Diuinæ Opis præsidio stetit.

BERNARDO genitus SCARLATTÆ Prolis honores

Auxit ALEXANDER, Martis in arte ferox.

Quæ-

Queque Pater coluit FARNESIA LILIA, palmis.
Victor ad Eridanum nexuit ipse suis,
Quas nimis, beu celeres, disturbauere cupressi,
Messuit, & propera mors inimica manu,
Assueta in nostram, quæ tela infigere gentem
Cum caro LAVRAM coniuge subripuit.
Dotibus hæc animi generisque illustris, eodem
Interijt, quo vir, mense, dieque simul
Tum BERNARDVS, Aui dictus æ nomine, fato
Concessit simili, Peste necante, puer
Vnus, & e cunctis POMPEIVS funeris expers
Immanem potuit vix superare luem,
Numina seruatum, quem in tot voluere procellis,
Viuat ut in tanto germine Patris bonos.

Quod verò attinet ad originem nostram, certum est ex ipsamet Etruria sumptam, Senis verò ne an Pisis incertum, licet in vtraque Ciuitate familiam honestè, ac splendide confedisse, cunctosque nedum prophanos, sed & sacros inibi magistratus laudabiliter gessisse, publicis tabulis comprobetur, maioresque nostros, terris iactatos, & alto, varia postmodum quæsiisse domicilia iuxta rerum, & temporum vices, at in hoc non tam immorandum, quam satagendum ut nostra nomina in æternæ vitæ libro scribantur. Tantum addam, ne desim officio, nulla decora Florentinis alijs tribui, quæ pridem Ciuium Comitatus, deinde verò Regia nobis Principium, beneficentia impertita non fuerit. Hic sanè si mihi suppetere vires ingenij, eximis extollerem laudibus Carolum iam diù Cardinalium Decanum, & cum magno Duce Nepote, Ioannem Carolum pariter Cardinalem, Mathiam, ac Leopoldum eiusdem Magni Ducis Serenissimos Fratres, velut, apud nitentem Solem lucida Sydera; nec minus Victoriæ Roboræam vxorem, nullis ex antiquioribus hæroinis secundam; parique affectu celebrarem Cosmum Principem, ut titula, sic regia indole, magnum augustæ Domus hætenus

Specm

Spem vnicam quidem ; sed largiter exuberantem . Nemo istorum non me principali sua gratia decorauit ; at quid deferam, ingenij culpa, tot argumenta encomiorum, quamlibet validissimam lassatura facundiam ? sed præstat venerabundo suspexisse silentio, quos nulla satis exornaret oratio . Diligens taciturnitatis acclamationum vim sapit ; sicque ab ingrati censura me vindicabit, cum nemini, de studiosissimi Auctoris sententia, vitio datum sit, Deos colere quocumque modo possit .

Moncor hic reminisci patefactum mihi aditum, ab eodem Comite Alberto Bentiuolo, ad Antonium Medices Francisco Magnio Duce progenitum, Elconoræ Mantuanæ Ducis, & Mariæ Galliarum Regina germanum, de me liberalitate, gratiaque non parum meritum . Erat Princeps iste inter Milites Hierosolimitanos Prior Pisarum, mitis ingenij, opibus pollens, liberalis, magnificus, nec aduersus pietati: militiæ diù vacauit: semper venatui; & ad vtrumque arma, seu instrumenta sic affabrè, tantaque cum industria conficiebat, vt suæ viderentur plurium artificum manus. Egregiè callebat herbarum, aliarumque productionum naturalium potestates, & vsum medendi, atque ipsemet lassabatur, quamuis sedulitate non sentiret laborem, in molliendis, durandisque materijs, siue extrahendis succis ad variarum specierum medicamenta, quæ ille, rara arte commiscens, munificus dispertiebat; sicque ad vapidos, insensosque carbonum ignes, ea de causa assiduus erat, vt inde vultus illius nigresceret, læsa etiam in corpore, artuum compagine, cuius in morbi longà nec refractarià tolerantia, nondum quinquagenarius diem vltimum clausit . Musica delectabatur, aliasque illustres artes fouebat, vt penè prodigium fuerit in viro sortito animam bonam, nunquam ocioso Cererem, Bacchunque auersante, non perijsse, quin potiùs præualuisse cupidinis arcus, vnicam splendidarum suarum dotium caliginem, cæteroqui omnem laudem promeritarum . Aliquando in quadam odicula ei dicebam .

C

Di

*Di tua destra il fatal brando
Fulminando
Gente infida al mondo inuola;
Tua pietà sedendo in pace
La fugace
Vita altrui ferma, e consola.*

Tunc etiam indiuidua Strozza consuetudine fruens, aliquis sæpè gaudium Gabrielis Chabrera, Octauij Rinuccini, Raphaelis Gualteroti, Iacobi Soldani, Michaelis Angeli Bonaroti Iunioris, Galilæi de Galilæis, multaque ex illis, alijsque claris viris addiscenda audiebam, facta etiam per illos frequenti mentione Cardinalium Bembi, Antoniani, & Barberini: item & Illustrium Mazzoni, Bonamici, Tassi, Speroni, Guarini aliorumque, quos ipsi nouerant, à litterarum studijs non breue nomen consecutos. Ibidem grata familiaritate me iunxi Ioanni Dominico Perio ditionis Senensis montano agricolæ de oppido Arcidosso. Hic quanquam litterarum omninò rudis, tanta voluptate rapiebatur in Etruscam poesim, ut parta sibi aliqua legendi, & scribendi notitia, quidquid temporis labori rustico, sibi ad victum necessario, supererat, percurrendis, vel suo Marte scribendis lyricis, heroicisue cantionibus studiosè insumeret. Vix dicere est quæ celeritate diuersarum specierum carmina expromeret, quæ sanè naturali quodam impetu producta longè faciliùs de integro, si quid corrigendum esset, in tota eorum extensione recedebat, quam in breui verborum ambitu emendaret. Planè innumera sunt quæ cecinit, sumpta de quibuscunque obiectis materia, concisim, aut prolixè laxatis tibijs. Edidit inter cætera quinque librorum seriem, strophibus octauas nuncupatis versuum alternatim similiter desinentium, iuxta epicorum poetarum Etruriæ morem, futuram mundi solutionem, initio titulo: *Il Mondo desolato*. Tale erat, ut mihi meminisse videor, exordium operis.

Can-

*Canto l'horendo, e spauentoso giorno
 Aspettato à recarne ultima sera.
 Il di ch' Astrea dal suo diuin soggiorno
 Verrà sdegnata à sprigionar Megera ;
 E'l gran Fabro del Ciel di luce adorno
 Seder vederassi entr' à beata scbiera
 Per dar' à giusti gloria: à gl'empi esitio
 Con incorrotto vniuersal giuditio.*

In progressu autem operis præcincens rerum combustionem pangit, ni me fallit memoria.

*L'Elba nemica all'huom: l'Elba ch'in sorte
 Hebbe dal Ciel di generarsi in grembo
 Materia di furor, di guerra, e morte,
 E dell'amabil pace horribil nembo
 Ancb'ella le sue vene incolte, e smorte
 Haurà qual fu di nebbia inutil lembo;
 En fin tra Battro e Tile ogni pendice
 Per non più rinouarsi andrà fenice.*

Hæc à facundo rustico decantata recitauì, quia priora recogitandi occurrerunt, non autem quia pro melioribus scelergerim; at si quis eius operum legendorum copiam haberet, plurima forsàn inueniret, vndè cognosceret quantum vena diues, etiam sine studio emineat, vel quomodò Diuinæ doctes se se communicent, nullo, vt plurimum factò naturæ fortunæue discrimine. Iacobus Cursius splendidus Musarum, & Musicorum Mæcenas, decora quidem memoria dignus, hunc primum noscendum præbuit Magno Duci Ferdinando, Vixit autem is tanto Principi, eiusque successoribus, totique Regnatrici familiæ acceptus, eo etiam nomine æstimandus, quod per benignè ab ijs excitatus, vt abdicatis filuis demigraret in aulam, splendidior Dominus contempti luxus, & honoris, præ animi moderatione illam inuisere abnuìt, nisi quotannis, Pompeij Patris mei hospes, ad regias pompas recurrentis Sancti Ioannis Baptistæ celebritatis, qua à munificen-

tissimis Principibus plura tribuere paratis, vltra nummaria subsidia, frumentarium chirographum in sui, suæque familiaris sustentationem accipiebat. Mea postrema, & quidem grata cum ipso alloquia Romæ fuerunt, Sacro exeunte anno Iubilæi, per Sanctissimum Pontificem Urbanum, Christianis populis referati; nec ille Principum Maximus dedignatus est, affatibus, donisque suis, humilem hunc aratorem stiuæ assuetum, plectroque idoneum, quem tu etiam (Eminentissime Princeps) è Gallica Legatione tunc quidem reuersus, iam iamque Hispanicam, in tuorum culmen honorum aggressurus, tuis muneribus decorasti.

Mihi religio est non meminisse à me auditum eundem optimum Senem, multa enarrantem de Sancto Philippo Nerio, memorandisque Cardinalibus Baronio, & Tarusio, Romæ sibi frequenti consuetudine cognitis, ingressum dante Fridrico Cardinale Borromæo eisdem addicissimo, adeout pauca perlegerim in historia vitæ eiusdem Sanctissimi viri, post eius indigationem publici Iuris effecta, quæ iam eiusdem, & Strozæ placidus Sermo menti meæ non impressisset. Cum eodem versans, eodemque iuuante aditum habui Florentiæ, ad gratiam Iulij Sacchetti Iuuenis tunc ægregij, postmodum verò Præfulis, & Cardinalis verè amplissimi, duobus iam inter regnis, tenaci ferè omnium Patrum studio, & totius Christianæ Reipublicæ noto, in Clauium Cælestium dignitatem exoptati, summoque Imperio, non minùs propter altum contemptum, quam ex ipsa meritorum præstantia digni, vt ex tanta animi magnitudine, non solùm aliquot, sed omnium, annorum Pontifex gloriosus in memoria, & fama rerum censendus esse videatur.

Post Bononiensem incolatum, Florentiæ manens (qui sæpè ad regularis obseruantia statum propenderam, sed piorum, prudentumque amicorum fausu annum agens 17. clericalem vestem indueram, minoribus ordinibus ab Alexandro Martio-Medices Florentino Archiepiscopo signatus fui, postea-

steaque media, non paucorum annorum intercapedine nullo instructus proventu Ecclesiastico, sub finem anni 1623. Romæ ad Sanctæ Mariæ Maioris, in Sacratio magnificentissimi deluari Burghesiani, à Ferdinando Cæsareæ Archiepiscopo, Comitis Pauli Boschetti fratre, per Cardinalem Millinum Vicarium Pontificium delegato, Subdiaconus, Diaconusque, ac Presbyter inauguratus, ante illam toti Christianitati venerandam Dei genitricis imaginem, in Sancti Thomæ Apostoli solemnij, primum priuatim obtuli Altissimo Sacrificium.

Expleto Florentiæ quadriennio, discessi in Galliam Comes Comiti Paulo Boschetto vitæ innocentia incomparabili, quo in itinere Bononiæ per Hebdomadam commoratus veterum amicorum officia grata vice repedi, parique dierum spatio dein Placentiæ, vbi plures è Carpana gente, & Landorum familia, aliosque Auiæ meæ Lauræ, & Franciscæ matris meæ agnatos, & affines, perhumaniter ab his exceptus, agnoui, quorum fauore Serenissimis Principibus Farnesij, quibus Domus mea tot se, tantisque antiquioribus nominibus, & recentioribus beneficijs, auitæque clientelæ nexibus obstricta profitetur, innotui; Mediolani postmodum, substiti nonnullos dies, quibus Præsulis Sanctissimi Caroli recurrens solennitas, virtutes altiùs mihi admirandas exhibuit. Superaui Montes Euganeos, vallemque Sedunensem transiui, & in eius extensu Rhodanum nil tumescentem huc illuc ad commoditatem itineris æquitumescentem ad commoditate itineris æquitando traieci. Lustraui Terras Sanctorum Militum Thebeorum martyrio sacras, ac Lemano lacu marinis fluctibus tunc assurgente Geneuam adnauigauì, miserans Ciuitatem non contemnendam, Petri Cathedrali sede illustrem, à Petri Fide, falsis admissis dogmatibus, desciscendentem, licet per symbolica signa, lucem à se post tenebras sperari denunciet, interim caligine erroris obductam, ignis æterni ream.

Manſi Lugduni aliquot dies, dignatus gratia lectissimi Archie-

chiepiscopi Marquemontij, postmodum, sapienti, ac benefico Pontificis Urbani iudicio, inter Cardinales adscripti. Nouem dierum via perueni Lutetiam Parisiorum, non arctum terrarum orbis compendium. Semestris fuit mea in Ciuitate amplissima diuersatio, ac ferè omnium dierum audita hinc inde laus optimatis Barberini, adhuc recentis à Nunciatura Apostolica in illo Regno, sub vno, & altero Pontifice, commendabiliter gesta. Nuncium ibi Bentiuolum (aliquot post annos Cardinalem) salutauì, Vbaldino iam Cardinali subrogatum, visum prius Florentiæ, Lugduniquè in transitu, postmodum semper, iuxtà significationem agnominis, rara humanitate, mihi beneuolum, purpurati Vbaldini pariter introductus ad gratiam. A Bentiuolo Cardinale, historiæ suæ Belgicæ impresso exemplari donatus, eidem libro hæc in non ingrati sensus significationem adscripsi.

Quæ manus illustri monumenta hæc edidit arte,

Hoc libro nostrum munerat obsequium.

Tantum miror opus: tamen hæc sententia menti

Surgit ad excelsi maxima gesta Patris.

Ille diu scripsit; nullam se passus abire

Secusam meritis, & sine laude diem.

Longa igitur breue si superant si dextera linguam

Iure p̃ys cedant moribus historiæ.

Viuebant illis temporibus in Gallia Venerabilis Episcopus Gebennensis Diuini verbi annunciatione, & obseruantia celeberrimus, ab Alexandro VII. qui nunc Petri nauis Clauum tenet, in Beatorum Elencho propediem adscribendus, Petrus de Berulle postea Cardinalis, delectu maximi Urbani, Oratorij Congregationis Institutor in Gallijs, Maria ab Incarnatione, item, & Domina de Chantal, fundatrices, illa, Berullo adiutore, Sanctimonialium Discalceatorum Diuæ Terefæ, ista, Gebennensis auspice, earum quibus à Deiparæ visitatione vocabulum: Carolus de Gondran Berullo in supremo Congregationis

tionis Oratorij moderamine Successor : Bernardus è Burgundia , & Iuanus è Prouincia Sæculares Presbyteri , & Baro de Ranty è Nortmannia , militans Regi, at Christo impensissimè feruiens . Istorum quilibet recordatione sanctitatis effulget , ac per publica suæ vitæ acta probat,quemadmodùm Gallia influat in adimplementum Oraculi enunciantis,Ecclesiam Dei Sanctorum , alios post alios , omnibus diebus vsque ad consumationem sæculi habituram .

Decessit in illa hyeme Maria decennis puella gemina Concinu de Concinis , & Eleonoræ Galigayæ proles , vnico nempe addita filio ; cumque nil esset in tota Aula,ob Reginæ fauorem,Coniugibus istis splendidius ; sicut euentus hic , curiam , (saltem in speciem) concussit , de sterili meo attramentario , metra hæc elicuit .

*Virgo , deliciæ , claris genitoribus , amplas
Spes , qua præcipiti destruis interitu ?
Acheu cognomen longum sortita , decusque
Aeternum , vitæ quam breue curris iter !
Sane in te de CONCINIS fit concinis , & vox
Hæc noua præstanti non ratione caret ;
Antea si flos in terris , nunc ætheris astrum
Concentus inter Concinis æthereos .*

Quintus decurrebat tunc annus ab infando Henrici Regis magni parricidio , cum vastissima vrbs , & immensi populi ferè incapax , euasit luctuosæ iterum Sortis theatrum . Conspectus ibi Concinus , opibus & potestate nulli secundus , regali Comitatu ad Regiam accedens , inopino laxati in eum manualis tormenti ictu necari , opprobriaque mortuus , à plebe furente , pati , vbique vulgata , vix tamen ijsmet ipsis , qui spectauerunt , credenda . Miserabilem , subitumque hunc viri interitum , infecutum est de vxore coram populo sumptum capitale supplicium ; nec parum mouit animos , nec leuiter humanæ vicissitudinis admonuit , regiæ Matris , ante rerum arbitra , militaris custodia , & tandem in Blessarum oppidum decreta

creta secessio . Tunc etiam Lucionensis Episcopus , pri-
dem ait , præcipuus cui Secreta Principis inniterentur ,
exauctoratus , à Regina autem in Domus suæ supremam præ-
fecturam , quasi confugium , de tanta tempestate seruatus , Re-
gis vrgente iussione , extrà Regni ditionem abire compulsus :
inde post biennem relegationem , reparata inter Regem , Re-
ginamque concordia , pristino ministerio redditus : Regina
instante , à Rege postulatus , & tandem à Summo Pontifice
Gregorio XV. promotus ad purpuram , Cardinalis Richeleij
denominationem altissimè sonantem , ac fermè triumphalem ,
accepit . Diù Regis gratiam fauori Reginæ iunctam persen-
sit , incomparandæ fœlicitatis sibi affulgente solstitio , paula-
tim postea Reginæ amorem in acerba odia , prauis Inuidorum
artibus degenerem agnouit , tamen in dies inter huiusmodi
aduersa se ipso maior ; vndè in Aula , & in Regno simultates
seditionesque exarserunt , orbi notissimè , ideò miserandæ po-
tius , quam recensendæ , vt cum Sacro vate Barberino fas sit
asserere .

*Nil usque gratum ; nec satias faui
Dulcem liquorem deficit : abditam
In rebus humanis , vel ipsa
Miscet amaritiem voluptas .
Frustrà quietem quærimus anxij ,
Dum terra Celi nos tenet exules
Quid cœna regali paratu
Prodigia Sidoniusque murex ?
Quid structa prodest marmore regia
Seu quidquid auri congerit India ?
Quod nuper afsiuit capitum ,
Mox animus fugiet perosus .*

Reuerfus post annum in Italiam , qui iam Mediolani adfue-
ram S. Caroli celebritati , spectauit etiam solemnia inelyti Am-
brofij ; gratiamque religiosissimi Borromæi Cardinalis , hu-
manissimis Strozze officijs , iam ante partam , magis magisque
propi-

propitiam expertus, sum. Ab Insubria, viam mihi ad Urbem præbuit Etruria; ibique à Purpurato Maphæo non pauca de meis itineribus per benignè interrogatus, & multa è fortuito sermone Principis scientiæ, ac eruditionis admirandè edoctus, Virginij Cæsarini in superillustri generis nobilitate omni litterarum decore præfulgentis, fauorem, ope Ioannis Ciampoli adeptus sum. Extinctum est nobile hoc (vt ita dicam) ingeniorum prodigium intrâ limites Iuuentutis, & Præfecturam cubiculi eiusdem Summi, & Sanctissimi Pontificis, ab iisdemmet studijs nomine prorogato, & vita succisa, tantus tamen mansit Virginus in mente Principis virtutum æstimatoris munificentissimi, vt destinata illi, iuxta publicam expectationem purpura, Alexandrum fratrem obtexerit, cæteroqui etiam merentem.

Virginio in omnium æstimatione, & plausu à laude ingenij, doctrinæque admirabilis, natalium item illustrissimo splendore conspicuus, successit Sfortia Pallauicinus vix pueritiam egressus. Hic primogeniorum iuribus magnanimo spretu dimissis, & insignis Prælaturæ abdicata spe, iam multos annos in Societate Iesu operosus latens, at per ægregia scripta, præsertim historiæ Tridentini Concilij, omnibus nitens, docet quam facilè diuitias, saltumque despiciat vera sapientia, forsân, vt à neglectu dignior, ita & à Maximi Alexandri equissimo prudentissimoque iussu ad contemptam magnitudinem ascensura nitentior.

Summum voco Ciampoli beneficium dignationem in me, Iulij Rospigliosi, bonis artibus, & litteris non ad pompam, sed ad virtutem refertissimi, modestiæ, ac lenitatis in assiduo plausu planè admirandæ. Hic ab incunte iuuentute, fauente Antonio Cardinale Sancti Honuphrij patruo item tuo, ab eximia vitæ sanctimonia memorando, affecutus beneuolentiam, Sanctissimi Urbani, tuamque, multis grauissimisque Apostolicæ Sedis fœliciter æquè, ac sapienter gestis muneribus, quam purpuram ab Urbano optimo, maximoque Patruo tuo, per

tuas commendationes , propediem adepturus videbatur , nisi decessus Sanctissimi Pontificis obstitisset , ab Alexandro in Sacrum Imperium successore , bonorum omnium exultatione suscepit , dilata honoris attributione illustrior . Viro huic verè Eminentissimo pluribus me nominibus debitorem profiteor ; præsertim verò semper animo hærebit singularis eius in Abbatem Pompeium nepotem meum beneficentia , in quem , totamque familiam Caroli fratris mei , eorum parentis mors , licet omnia soluat , me paternis partibus alligauit .

Tantum , quod à me obiter memoratum est amissi suauissimi fratris infortunium , non leuiter imminuit Viduæ illius Mariæ Grillæ , à secundis nuptijs auersus animus , & ad regendam quinque filiorum familiam intenta propensio . Hæc virili spiritu fœmina , paternum traxit genus à Genuensi nobilitate , matrem sortita patruelem eiusdem Ioannis Ciampoli , quæ gens si de Caualcantem stirpe prodijt , non caret imaginibus , vnde illius fulgor eniteat . Penes eundem Ciampolum agnouit etiam Equitem Marinum , visum priùs in Gallia , musæ vt mirabiliter lepidæ , ità in multis , ad pudicarum mentium offensio-nem , iocosæ . Hæc à me in eius honorem dicta putauerim , dummodò subdam tantâ lubrici cantus animo ipsius insurrexisse pœnitudinem , vt morti proximus plura flammis destruxerit , quam religiosi conscientiæ suæ Conciliatores exigèrent ; si enim quem pœnitet peccasse pœnæ est innocens , non absurdè speratur Marinum , se paucarum cartularum adustione , à sempiternis ignibus redemisse ; vnde clarus vates eximium vatem , feliciter redarguerit canentem .

Se mai foco per foco non si spense .

Ibi etiam frequens videbam Gasparem Sciopium , Balduinum de Monte , Equitem Stilianum , Gasparem Murtulam , pluresque alios à doctrina , & literis famam mutuos , è quibus non reticebo Georgium Conæum domesticum tuum , ne suppressam Urbani Pontificis munificentiam , ipsum ex Anglica missione reuersum , Romano murice : (vt constans fuit rumor :

mor) exornaturam, ni mors, eodem articulo temporis, *pium*, cruditissimumque virum assumpsisset.

Conæo in Anglico ministerio subrogatus Comes Carolus Rosssettus tibi à primæua iuuentute doctrina, & moribus commendatus, indeque Nuncius Colonienſis digniſſimo Cardinali Machiauello ſuffectus, idem purpuræ decus adeptus eſt, te poſtulante, & Urbano Principe æquiſſimò annuente. Roſſetti laudes in communibus præconijs celebres, tam modicus non attingo, quamvis eius fauore, quaſi ſonoris vocibus excitatus. Eamdem Colonienſis Nunciaturæ, Summo Pontifice Urbano ſtatuente, mirandis greſſibus virtutis, calcauit viam. Chiſius antiſtes, innocentia vitæ pretioſiſque doctrinæ, ac litterarum ornamentis decorus. Romam inde ab Innocentio Decimo reuocatus, & ad ſanctiora Pontificiæ celſitudinis arcana, cum adiectione Sacræ Purpuræ adhibitus, cui aliquando extiterat adminiſter, vnanimi patrum voto, communicque fidelium plauſu, datus eſt in adoranda maiestate ſucceſſor: utinam ad multos annos, & iuxta zelum ſuum, ſœlicioribus Chriſtianæ Religionis dedie in diem incrementis.

Nondum peracto Romæ bimelſtri, me tranſtuli ad cæleſtis beatitudinis angiportum, nempè Sacratiffimam ædem Lauretanam, ex ipſa loci inſcriptione, *Verbum vbi conceptum, nataque Virgo patens*, tandemque Florentiam reuſi, vbi continua dulciſſimarum litterarum reciprocatio, inter Barberinum, & Stroz zam, veluti odoratum baſſamus, obſequij mei flammam in ſacrum illum Apollinem nutriebat.

Lauretana recenſita peregrinatione, ſumam ſuperbiam fortè non impiam, licèt nullis quæſitam meritis, quod vltra memorata ſuperiùs Sanctuaria, & Virginis Annunciatæ in Florentina Vrbe Thaumaturgam Imaginem, Sanctumque Lucenſem vultum, mihi obtigerit adigere Montem Senarium, Vallem Vmbroſam, Montem Aluerniæ, atque Camaldulenſem Eremum, primoque ſtudiorum Bononienſium anno digredi æſtius ferijs, ad Virginem Regienſem, alioque poſt tempore,

inuifere Cafinum Montem, Carthufiana iuga, Specum Sanctę Marię Magdalenę auferatibus venerabilem, templum Virgineum Carnotenfe, noſtręque Dominę de Lieſſes, Sanctos Pręſules Hilarium, & Martinum, Sanctamque Reginam Virginem martyremque, aliaque magni, & illuſtris nominis loca, prolixę quidem narrationis argumenta, quę vtinam ad pellendam de meo pectore, diuini cultus parſimoniam influerint.

Interim adnitente Ioanne Paulo Caiſſoto Comite Nicienſi verę omniſcio, & virtutis, & prudentię, Romano ſpectatu dignę, mihi ante in Bononię ſtudijs ſumma humanitate iun-ctiſſimo, gratia beneficentięque Duratij Cardinalis tũ primum ad Sedis Apoſtolicę obſequia initiati, cõ vſque dignatus ſum, vt eius fierem continuus Commenſalis, quo tempore Sereniſſimus Petrus, præclariffimi huius Pręſulis Pater, ad ſupremum Genuenſis Reipublicę moderamen euectus fuerat.

Ita vix elapſo anno Florentiam relinquens Romam reuiſi.

Facta hic mentione Ioannis Pauli Caiſſoti, trahor etiam ad Ludouicum Tertium Brixienſem, eodem vinculo beneuolentię in ſtudijs Bononięſibus, & in Romana aula connexum. Erat hic honeſtiſſimę originis, ſcientię, comitatiſque non vulgaris, ſpeciei que ferẽ incomparandę: tantę autem probitatis, vt ab inſipientibus fręminis tentatus, nullius ſpei ſe præberet; erubeſceretque quaſi peccaret, quia placebat. Euitauit aliquando ex hoc publicas vias, ſuis itineribus commodiores nullis, præ modęſtia datis ab ipſo talis, euitamenti rationibus; quas ego aliquot poſt tempus reſciui, vltimum diem obiit, vix trigenarius, contubernalis Lazari Botti, tunc Cauſidici eximij, modo Camerę Apoſtolicę Commiſſarij, & quidem inter illius vlnas, & meas, vtriuſque lachrymis madens, tota Curia eruditi optimique iuuenis obitum deplorante, & multis hanc amici iacſuram mihi compatientibus.

Nunc etiam inter ſcribendum compellor in luſtum, accipiens Roma infauſtum Nuncium de Comite Carolo Antonio Caiſ-

Caiffoto fupradicto fratre, hoc eodem anno 1659. humanis erepto; adeo vt inter tot vitæ huius amaritudines altiùs in dies ad Deum, vnicam animorum dulcedinem, vocer, vtinam & pergam. Reperiui admiſſum in indiuiduam Duratij Præfulis conſuetudinem, Ioannem Auguſtinum Marlianum, ſplendide Genuenſis proſapiæ, iam ante mihi in Bononienſi vniuerſitate obſeruatum, tantisque nominibus virtutis, & officiorum cultum, vt delatas ſibi progreſſu temporis Epiſcopales Ciuitatis Marianæ Infulas lætus aſpexerim, & quæ ſanè maiora promeretur apprecari non deſinam.

Errabant ſapienti motu per illam Domum de Romano (vt ſic loquar) Cælo Sidera Ludouicus Ludouiſius, Gregorius Narus, Octauianus Raggius, Ioannes Dominicus Spínula, Antonius Sanctacrucius, Bernardinus Spada, Iulius Sacchetti, Cæſar Montius, Lælius Falconerius, Hieronymus Grimaldus, Cyriacus Roccius, alijque nobilitate, ac litteris clari, quorum ſplendor de Vaticana purpura magis enituit, & quotidie in me benignè influxit. Inter eoſdem admirandi eſſent Franciſcus Vicecomes, & Fabius de Laguniſſa eo ipſo præfulgentes, quod non vt cæteri fugere conſpecti ſunt, contentus ille Epiſcopatu Cremonenſi, Iſte autem Antiocheno Patriarchatu, Spada eſt apud omnes amplum laudationum faſtorumque argumentum; At eius nomen, omni Encomiorum luce, præſtantius; de Raggio autem ſic obſtrependi fiduciam ſumpſi.

*Raggio ſei tu, non già d'iniqua Stella
Doglioſi fati à minacciarne intento,
Mà ben' à preſagir gioia, e contento
Diſpieghi luce fortunata, e bella.*

*La porpora ſouuente al merto ancella
Scorto in te di virtute alto talento
Spera, al tuo biondo crin fatta ornamento,
Produr' à pregi ſuoi gloria nouella.*

E già

*E già quel tempo ambitiosa attende ,
 Ch' à lei sia dato incoronar sua fronte
 E i giorni lenti à trapassar riprende .
 Non raggio all' hor , mà Sol nell' Orizonte
 Sarai , che più , porporeggiando splende ;
 Ne sia ch' in Ciel di glorie vnqua tramonte .*

Deuixit hic , conſucta humanæ fortunæ proteruia , non-
 multo poſtquam ſe aſpexit in altitudinem Dignitatis cuectum .
 Eumdem tamen Domui ſuæ fulgorem inſtaurauit Laurentius
 Nepos , à primis annis , clarus ſumma laude virtutis .

Eo etiam tempore ; Duratio è vchementi , at breui febre ,
 conualeſcente in hæc verba exultaui .

*Præſulis ægregi febris vix præſſerat artus ,
 Cum ſua , reſtituit gaudia noſtra , ſalus .
 Non de terrenis , verum cœleſtibus , hortis
 Otia , quæ nobis hæc facit , herba fuit .
 Sic nempè æthereo viſum ſeruare , parenti
 Qui partum nati ſanguine ſeruet agrum .*

Dicere vix eſt , qua Comitæ Antiſtes ille ornatiffimus me
 complexus ſit . Inde mihi denuò datum coram venerari Bar-
 berinum Cardinalem , cuius titulis acceſſit , non multo poſt
 tempore , Pontificalis honor ; Tanto Patre in Vrbanum VIII.
 ipſo Chriſtianæ tranſfigurationis die , feliciffima apotheoſi
 conuerſo . Succellus iſte mihi lætiſſimus , ex Ingegnoli mei
 penu verſus deprompſit , vt ineruditæ , ſic deuotæ mentis in-
 dicium .

*Chara Dei proles , Patris alma voce notatus ,
 Chriſte nouam ſpeciem , vultu habituque reſers .
 Qui dedit in Tabor tanta hæc ſpectacula præſens ,
 In Vaticana duplicat arce dies .
 Vox diuina , Patrum dat per ſuffragia , Terris
 MAPHÆO Chriſti Regis ineſſe vices .
 VRBANVM ſic te veneratur ROMA , tuasque
 Leta coronatus , vndique cernit APES .*

Qui

*Qui rutilam Domini faciem, niueasque repente
 Mirantur, vestes cernere, semper auent.
 Teque tot euectum meritis in Sede suprema
 Cum populi tanto numine suspiciant.
 Optabunt iunctis adeuntes, sidera votis
 Nil nisi vt Imperium stet sine fine tuum.*

Hoc aliquo modo adimpletum . Si enim fluit ante rerum humanarum series, & ipse Vrbanus circumdatus fuit infirmitate, nec ideo æternum valuit gerere Sacerdotium, vni Christo referuatam, gessit saltem diutinum; Adeò vt minus octiduo ad integram vigesimi primi anni mensuram in eius Pontificatu defuerit, quod sanè pluribus ante hac defluxis sæculis visum non est.

Erat Duratius amicitiae iure sic Montio Præfuli adstrictus, vt nihil alterutrius non esset vtrique . In hac sorte egomet censitus sum. Etenim cum à Summo Pontifice Urbano VIII. Montius Sancto, aduersus hæreticam prauitatem Officio, Assessor datus fuisset, me de Duratij mensa traxit ad suam, moxque Neapolim transtulit, in illo Regno ab eodem Urbano Apostolicæ Sedis Nuncius renunciatus.

Per ea tempora Pater meus Pompeius annum agens 68. Florentiæ diem supremum clausit, cuius funeri musa nostra hisce versibus, tumulo apponendis, licet absens interfuit.

*Patris ALEXANDRI SCARLATTI clara propago
 POMPEIUS patrio conditur hoc tumulo.
 Per varios casus, fortunam expertus utramque,
 Aequa tulit Sapiens, Fortis iniqua tulit.
 Quem semper coluit Soboli pietatis amorem,
 Non quas amisit tradere quiuit opes.
 Discite virtutem, Nati, Patriisque labores,
 Ex alijs Sortem discere fata sinant.
 Sic erit, vt nostræ, laribus firmetur auitis,
 Et crescat stabili limine Gentis honos.*

Hoc

Hoc vobis frater fratres à Numine poscit

Alter ALEXANDER, Patris in obsequium.

Interea Montius Præsul, Urbano Patruo tuo sapientissimo sic iubente, concessurus in Hispaniam Neapoli me reliquit, ut ibi vices suas agerem, & Apostolicæ Sedis iura tuerer, Mox Matritum ipsummet Montium insecuturum. Euentus tamen cogitationem fefellit; voluisti enim (Eminentissime Princeps:) ut Alexandro Bichio, in illud ministerium subrogato, subessem, & ad nouum virtutis exemplar erudirer, mixtoque oneri lætarer honore. Vltrà annos tres permansi in illustri, & amœna illa Vrbe, cuius in excellentiam, artem, & naturam dotes suas profudisse potius, quam disperfisse quis dixerit; gratiamque inde non abesse, pijsissima opera, in dies, aucta testantur. Iura dedi in Apostolico illo foro vna cum Francisco de Albizzis, Alphonso Cappelletto, & Petro Gentili Vgolino; Stephani Vgolini Præfulis, ac Summo Pontifici Alexandro domesticæ Auditoris fratre, Ioanne Baptista de Valentibus pro Fisci rationibus aduocante. Nuncius Montius abduxit in Hispanias Franciscum de Albizzis, Ascanio Turamino suum locum Neapoli relinquentem. Mutasti Turaminum in Episcopum Grossetanum, viamque Albizzio ad Cardinalatum pandisti, promouente Innocentio X. quem tu pariter, ex nunciatione vocatum Neapolitana, Legationum tuarum Comittem adhibuisti, Nuncium Hispaniarum, & Cardinalem, tandemque Summum Pontificem, ex omnium opinione, creasti. Quantus sit Cardinalis de Albizzis norunt Italia, Germania, Hispaniæ; At Roma præsertim sentit pro orbe vniuerso. Ego verò huius animum tantæ in me benignitatis expertus sum, ut ingrati detestabilem notam mihi subeundam putarem, ni saltem, properante calamo, præcipuis nominibus illi me adstrictum profiterer. Cæteros etiam quos recensebam, præsertim verò Ioannem Baptistam, nunc Abbatem de Valentibus, propria virtute, & auita nobilitate conspicuum, ex eorum meritis, & propensa in me voluntate, quamdiù sim, amantissimè recordabor.

Ter-

Tertiò incipiente alterius huiusce Nunciaturæ anno stetit Urbano Maximo sententia, vt Bichius, Nuncio à Balneo, nuperrimè apud Christianissimum Regem purpurato, subrogaretur, nec quidquam veritus Sapientissimus Pontifex, vt qui Neapoli cum vno, alteroque Prorege, alijsque Proceribus Hispanis benè consenserat, cum Rege, & Regno Galliarum æquè conueniret. Sic sanè peractum, nec parum præsidij repertum in scitis Sanctissimi Pontificis, cuncta miro iudicio prævidentis, & tuis. Totum ferè illud Regnum, vna cum illo peragraui, eiusdem beneficentia beneuolos expertus, nedum Cardinalem maximum Richeleium, quin etiam Rupefucaldum, Mauritium à Sabaudia, Ludouicum Valletanum, & Franciscum à Lotharingia, nec non Serenissimum Carolum Ducem, istius fratrem, aliosque specialis notæ Principes, & Magnates, è quibus nominare liceat Marchionem Mirabelli, & Christophorum de Benaudio Regis Catholici Legatos, Abbatem Nicolaum Albertum, aliumque Optimatem, Regis Polonia, Aloysium Contarenum, & Ioannem Exuperantium Venetæ Reipublicæ, non omissis Comitibus Druenti, & Sancti Mauritij Allobrogum Ducis Oratoribus, cum Equite Ioanne Baptista Gondio, de me, & de tota agnatione mea semper optimè merito, tunc Parisijs ad res Magni-Ducis Etruriæ summa fide, & solertia residente, necnon Iustiniano Priando tantundem in obsequium Mantuani Ducis præstante. Non defuerunt Episcopus Herbipolensis Catholicorum Germaniæ Principum fœderatorum Orator, nec Catholicorum Electorum Imperij Procuratores eximij, siuè Oratores Helueticorum statuum, Romanæ Ecclesiæ consentientium. Habui diuersis temporibus commensalem apud Bichium Nuncium, Iulium Mazarinum, eiusdem hospitem, cuius virtuti iam tunc Barberinæ Apes in amplissimam, qua nunc effulget purpuræ potentiæque sortem mellificabant. Multa ibi in Gallia exhibita humanæ vicissitudinis experimenta. Superiùs dictis iungendum puto, Montemorantij commiserandum casum: res

E

pla-

planè luctuosa Dynastiam nobilissimum, in eoque stirpem clarissimam, infami Carnificis gladio interiisse.

Innumeri aderant, qui Sanctissimi Urbani actus, atque virtutes cum veneratione recolent. Baro de Pexe vir multarum litterarum, eò temporis magnates aduenas ad Regem adducendi, deducendique munere fungens, mihi de Sanctitate sua lætabundus aliquando dicebat (Amat nostram, quamuis sit rustica musam.) Ad illum in honoris significationem sic scripsi.

*Candidus ingenio, dulcis sermone, verendis
Moribus, & varia Palladis arte potens.
Externos Proceres Regis, qui interfert astris
LILLA, magnanimum ducis ad alloquium.
Fingitur ad Regem Superum via lactea; Francum
Tu das gemmato tramite adire Iouem.
Ansic infirmas LVDOVICVM anteire Tonanti
Gemmarum ut lactis munera vincit honor!*

De ipso Rege in Regia Villa Fontibellaquæ cantiuinculam: (tacitè tamen:) composui. Eius hic appono principium, addito aliquo fragmento ad confidentiam potiùs, quam arrogantiam. Verum est enim ex mea rudi Mincrua nil exire dignum aspectu, meque si quando scripserim, ideò tantum egisse, ut virtutem in alijs colerem, aut in me excitarem.

*Presso'l fonte famoso di bell'onda
Più che real diporto.
Del Franco Regno al gran Monarca inuitto
Ferma d'alta sua man l'humil mio scritto
Sacro Signor, che in ogni merto abonda
Signor, nel cui parlar soaue accorto
Francia scorge gioconda
Del gran Pastor, che chiude & apre il Cielo
Qual sia la prouidenza, & qual sia'l zelo*

Postmo-

Post modo de ipso Rege.

Trionfator de Giouenili affetti
 Così come di mura
Inespugnande, d' inuincibil gente
 Co' l' moto pio di generosa mente
Non men ch' à vasti Regni à se sogetti,
Agl' esterni, di pace il ben procura;
Ne i suoi pensieri eletti
Son che di render, con imperi grati,
Padre pietoso, i Popoli beati.

Se fatigato alleuiar' il pondo
Vuol della regia palma
Non otio vilma nobile sudore,
Alla stanchezza sua porge vigore:
Fà di sue armate scchiere uniche al mondo
(Quasi allor sovra stia guerriera palma)
Spettacolo giocondo
Ponendol' ei forte campion, & alto;
In atto bor di difesa, & bor d' assalto.

O pur intento à generosa caccia
Segue Cerui volanti
Di rapido Corsier premend' il dorso;
Et quei non men veloce eguand' al corso
Fere di proprio stral nella lor traccia;
Così dubbio riman se più si vanti
La fiera perche giaccia
Di sua destra reale, d' l'huom che sorge
Perche benigno à lui sua aita porge.

Grido non è d' adulatrice fama,
Ben sì verace auiso,
Ch' il giusto Ludouico babbi vaghezza
Non sol d' udir concetti, ond' allegrezza

L'alme restauri ; mà con egual brama
 De gl' binni , onde propitio'l paradiso
 A sè la Chiesa chiama ,
 Sua pietà industriosa alle deuote
 Voci componga armoniose note .
 Ma qual' profano è freddo pesto all' bora
 Sant' ardor non infiamma ,
 Ch' ei genuflesso à Sacrosanti Altari ,
 In Sacrifici offerto almi , e preclari
 L' immortal Figlio al Padre Eterno adora
 Splende nel volto à lui del cor la fiamma
 Ond' il Ciel' innamora ;
 E l' ampie monarchie deuoto e pio
 Mostra amar' men ch' esser' lui à Dio .

Quartus iam in Gallia Bichio , grauissimi muneris annus
 deuoluebatur , cum splendida Urbani arbitria , tuo præsertim
 fauente patrocinio , illum ad Sacram purpuram , iunctis alijs
 duobus iam nuncupatis Mæcenatibus meis , inter alios mul-
 tarum laudum Magnates , vnico effatu prouexerunt . Res
 ita me placidè impulsit , vt versiculos ferè Subitarios de rubi
 meo Calamo educerem .

Emoriar latus , mihi tres ad limina Petri
 Murice fulgentes imperitasse patres ;
 Quodque magis plaudit , longè seu charta salutet
 Seu propè vox festos reddat amica sonos .
 Grandibus aterna meritis in laude futuris
 Parta sub obsequijs Purpura Sacra meis .
 Hec tamen incautos rapiat spes improba sensus ,
 Sorte quid vt mediter longius exigua .
 Crescere præsidio cupiens , cœlestia lucis
 Optaram tante gaudia Præsulibus .
 Erubnere Dei , iam nunc salua inclyta res est .
 Vltèrius ne mens exagitare caue .

Reuersus est à Nunciatura Gallica Purpuratus Bichius, in quem Regia sic effulsit Clementia, vt ad præsidium, & dulce decus meum se etiam extenderit, splendidis Regis, & Richelij Cardinalibus muneribus, addito insuper amplissimo Diplomate ad finem anni 1633. nobilitatem, cæteraque iura Regni Francorum, mihi largissimè confirmante; tali siquidem honore dignatus olium fuit, à Christianissimo Rege Ludouico XII, Abauus meus Alexander, quo tempore cum Bernardino filio Lutetiam Parisiorum concessit, Mediola- no in Etruriam rediturus, paremque, qui nunc fœliciter imperat Augustissimus, & Inuictissimus LVDOVICVS XIV. nouissimis hisce diebus impertitus est gratiam Caroli fratris mei filijs, in regia rationum fisci Curia propediem expediendam.

Reliquit Cardinalis Bichius sibi suffectum in illa Aula Antistitem ornatissimum Georgium Bolognetum, indeque impensam apud Regem Christianissimum pro Romana, & vniuersali Ecclesia opem, iam suæ Carpençtoratensi præstare cœpit. Regressio hæc tantum mihi peperit boni, vt Iosephum Mariam Suaresium, paulò priùs reuersum ab Vrbe, suis meritis, & tuo beneficio Episcopum Vasionensem tenuitati meæ humanissimè fauentem, experirer. Iam ante efferebar in Præsulem litteris, eruditione, scientia, pluribusque alijs nominibus suspiciendum; Consensit huius fauori, haud dispar Ludouici Præpositi Auenionensis, aliorumque suorum dignè merentium fratrum, singularis gratia de meo nunquam pectore, nisi abeunte spiritu, recessura. Quantum verò emineat in Ludouico virtus, & zelus domus Dei, omnes sciunt, & Religiosissimus Dominicus de Marinis Archiepiscopus Auenionensis agnoscit, iam multos annos illum Generalem Vicarium adhibens, in Metropolitana sibi charissima Ecclesia. Fuit Suaresius Præsul ex domesticis tuis: fuerunt, & plures alijs virtute ac scientia locupletissimi, per te honoribus, & dignitatibus aucti; adeout aulam tuam Troianus equus expres-

ferit feracem coronatorum militum, qui de profligata inertia in Apollinis, & Mineruæ Curribus triumpharent, sed quia prolixè nimis omnes dinumerarem, contineor in Cardinale Filomarino, virtutibus etiam Eminentissimo, Cassiano de Puteo, cui ab ipsa pueritia additus eram, Luca Holstenio celebri scientiæ ac litterarum promptuario, Ioanne Baptista Donio conciuui, & amico meo, mira eruditione prædito.

Reuersio Bichij Cardinalis ad Urbem, de Pontificijs manibus Vaticanæ Purpuræ insignia, solempni ritu accepturi, faustam mihi peperit sortem, ut qualis Maximo Urbano iam diu eram, me Antonio Amplissimo Cardinali profiterer, ac in eius illustre patrocinium assumerer. Sæpius mihi datum est Principem istum adire: nunquam verò ab eo reuertere, quin vultu tantumdem, & oratione, quam re beneficioque captus, apud eum remanserim. Militiæ, togæque instructus artibus, acies Supremus Imperator magna cum gloria moderatus est, pacemque firmauit. Contempto auro, inter mundi caligines deauratus, & de magnificentia, religionisque solstitio, nunquam in mente hominum sciturus occasum.

Idem aduentus aditum mihi patefecit ad gratiam Friderici Sfortiæ, Præfulis origine ac virtute Excellentissimi, inde non longo cursu temporis Cardinalis. Mira hic constantia perripit iniquitatem, præsertim in Auenionensi Ditione splendido Antonij Cardinalis delectu prolegatus; me quoque non paruis magnitudinis siue muneribus honestauit: optimè concordet Bichius, & Sforzia in fouenda Montis regalis, promerente familia, extiterunt. Ex hac, Cardinali Lugdunensi quoque vehementer dilecta, Sforzia Ludouicum eligit, cuius virtutibus Cauallices insulas impetraret. Eidem Antistiti pastoralibus studiis per decennium insigniter commendato, Bichius exhibitam pridem mihi (qui me tanto muneri prorsus imparcm agnoui, & libenter fateor) tradidit suam Carpentorætensem Ecclesiam, ut & Populis, paterna sibi charitate dilectus, præ virium defectione prope desiderandus, caueret, ne

in

in tali successore desideraretur, quantoque amore pium in amicum ferretur tali argumento probaret. Vetus mea in optimum pastorem, claramque gentem suam obseruantia, quin saltem ista scriberem pati non potuit. At fieri ne potuit: Eminentissime Princeps, vt tandiù te alloquens de te nihil loquar? Ratus memoriam gestis tuis satis esse, nihil planè à me additum fatebor, cum breuissimo verborum ambitu laudum segetem perstrinxero amplissimam. Sit hæc te non mutasse in superbiam diuturnitatem Imperij: te in summa rerum omnium potestate nulli magis imperasse, quam tibi: te iuuenem nil iuuenile gessisse, talemque ad cœlestium clauium, regendum pondus, Vrbano Principi adiutorem fuisse, vt te non tantum delicijs solatijsque à plusquam Regia Fortuna affluenter oblati, verum, & necessariorum rerum vsurpatione fraudaueris. Sic tuum nomen magni erit instar triumphi, coque audito, fulgor immensus à zelo domus Domini, pietate, iustitia, scientia, & omnium bonarum artium præsidio cunctorum animis oborietur.

Subacta aliquo post tempore in Arthesiæ Prouincia, Regijs Imperijs, Vrbe munitissima Atrebate, hoc lusi epigrammate.

*Tot tulit additò LVDOVICVS Marte triumphos,
Vt premat agusto sydera summa pede;
Tanque belligerans meruit sibi præmia virtus
Magne ARMANDE tui numine consilij.
Huc tamen incipiunt famulantia fata coronas
Texere; concedat Pompa vetusta nouæ.
Dant modo viuendi vulgò quas dicimus arrbas;
Si tales, quantum proxima palma feret?
Regina fulmineum liberat, quæ dextera ferrum,
Iuncta simul grate simbola pacis habet:
Arripiat sapiens; aliquin vindice Gallo
Totus ad imperium non satis Orbis erit.*

Inde Ludouico decimo quarto, fere in ingressu ad Regnum, in Luxemburgensi Comitatu Theodotionis Villa potito, in hæc verba exiui.

*Credita conatus Arxelsura tremendos,
Regis adhuc tenera concidit ista manu.
Insta regali genio vis apta triumphis
Iam patet, Augusta MATRE regente vias.
MAZARINA simul laureato in fasce SECVRIS
LILIA nil durum non domitura docet.
Talibus auspicijs ergo præeuntibus, ista
Fas erit à Regno gaudia ferre nouo;
Scilicet vt nata est Ecclesia dum Genitoris
Filius æterni passus ab hoste necem est
Eiusdem Matris genitus prior, hoste subactò,
Cuncta sacro ipse vindicet imperio.*

Iuit, redditque Cardinalis Bichius multoties per difficiles vias, vt in Italia, & in Gallijs pacem Regio nomine stabili-
ret; Vnde studium Regis, Senatus Serenissimi Venetorum, Magni Ducis Etruriæ, Parmensis, & Mutinensis Ducum in eius virtutem excitatum, cæterorumque Christianorum Principum magis inualuit. Eiusdem intuitu euenit, vt inclyti Senatus, & Magni Ducis vltronca largitas in me quoque dilataretur, ingentis pretij muneribus, non tam peccus ornando, quàm cor ad vtriusque Principis reuerentiam deuinciendo. Ille verò nil splendidum in se agnoscebat, quod ad Sanctissimum Pontificem, ac tuam Antonijque fratris eminentiam, tamquam ad duces, & auctores non referret, vnde mea in vos veneratio cum ipsius obseruantia in dies augebatur.

Anno 1644. inter canis æstiferi calores gelu mortis obri-
guit Maximi Urbani moralitas, parte tamen meliore sui super
astra perenni, nec vnquam in memoria temporum, & fama-
rerum interitura. Sacris Comitij eius, alteriusque decen-
nio post subsecuti inter regni, in Conclauē Bichius me ducere
dignatus est, fuit vna detentio 37. dierum; altera ad 80. se
exte-

extendit . Plurimos ibi prudentiæ , pietatis , ac Religionis
 vsus , nec forsan versutiæ paucos , datum adnotare , nil tamen
 magis remiscendum , quam mundanæ vanitatis in sua leui-
 tate constantiam : quæ enim eo loci aduenit vnus subita sum-
 ma , & admiranda felicità , multorum spes turbat , & diffi-
 pat , ipsamet colossus niualis in æstiuo meridie , maximum
 quid longè intuenti , & de proximo nihil . Hinc te : (optimè
 Princeps) aptè cogitasse meminerim , dum domesticis sepo-
 sitis rationibus in illa tantæ molis tractatione , id tantum pro-
 sequi statuisti , vnde Christianæ Ecclesiæ præsidium , decusq;
 oriatur maius .

Dilexit Bichius Cardinalis fraterno amore Cœlium Pico-
 lomineum Consobrinum suum probitate , litteris , ac peritia
 Iuris cum eminentioribus comparandum . Hic post assertam
 ministratamque , omni cum laude , iustitiam , Summo Pontifici
 Alexandro præsens strenuam præstitit operam . Nunc absens
 eiusdem venerabili Sanctitati in hoc Gallico Cegno deferuit
 Apostolicus Nuncius ; sicque cum in eadem sit causa , in qua
 multi proceres sacra purpura decorati , sperare datur ipsum
 fore in eadem fortuna . Eius felicità præcipuum erit voto-
 rum meorum adimplementum , sicut ex eius bonitate rerum
 mearum sospiras postrema sui cura non fuit .

Percharum item Bichius habuit Franciscum Butum varia
 scientia æstimandum , præsertim verò dramatica poesi cla-
 rum ; quod si Principibus placuisse viris non vltima laus est ,
 primis erit hic laudibus extollendus , qui parta sibi munificen-
 tissimorum Antonij , & Mazarini Cardinalium gratia , à ge-
 nij , & ingenij excellentia , ipsam etiam Regis , ac Reginae
 sentit sibi beneuolam Maiestatem . Omnium ferè mouentur
 in eum studia : ipse autem multis ei nominibus debitor ero ,
 & sinceræ obseruantiae fidus solutor . Naturæ inuidia vel
 impotentia lætissimis duobus Bichijs fratribus Alexandro
 Cardinale , & Metello Sacræ Rotæ Romanæ XII. viro inter
 publicas complorationes mortalitatis subtraçis , Galganus
 Mar-

Marchio quoque decessit, sanè vir nobilis, diutissimè viuere dignus; at viuit, vt spero beata in æternitate: viuet cordi meo infixus quamdiù spirem, &, ex Diuino oraculo, mortuus quasi non mortuus; similes enim reliquit sibi post se egregios filios, Metellum Arcis Albeniæ Marchionem, & Carolum Montis maioris Abbatem, in quo præsertim manet Auorum exuberans spes. Hic Regi Christianissimo iam iam expectanti sistendus, vt eius Maiestati Patruī Cardinalis fidem, obsequiumque in se, totaque sua Domo mansuram testaretur, sic animi corporisque mei imbecillitatem dissimulauit, vt me, vires vltra, sortemque senectæ, ipso etiam optante patre, comitem voluerit. Vicit ergo iter durum pietas, sicque Lute-tiam reuersus sum, qua ætate, ac tempestate, ne quidem assuetum cubiculum relicturus censebar. Omnia posthabui meritissimorum Patruorum memoriæ, rarissimæ optimæ nepotis indoli, si Deus faueat, ex omnium expectatione, in pulchram meritorum, & dignitatis consummationem ituræ. Quo- verò ad me, vitam meam pretiosiores non facio, quam, vt grati animi sensum ad officia promptus exhibeam; delui, dum de hoc itinere agebatur, præceptum iuuenili ætate, senili sapientia, Natalem Rondinium à Secretioribus litteris ad Principes Maximo Alexandro Pontifici deferuentem. Quam in ipsum, & Alexandrum Patrem, Natalemque Auum habui obseruantia par summæ venerationi in Paulum Æmiliū fratrem multarum laudum Cardinalem, ad leuia hoc metra mouit grauem mœrorem meum.

Incyte flos iuuenem, nascendi nomen adeptus.

Hebeu quàm rapido funere inersus obis?

Ista tui claro potiùs de stemmate sors est;

Nam sic à nobis aduena transit auis.

Attamen ad nomen sit sis aduertere NAT A

LIS erat in laudes officiosa tuas.

Te retinere diù certabat terra: vicissim

Te sibi maturum senferat esse polus;

Cum-

Cumque in ALEXANDRI sacris effatibus esses

Iam tantus, nil quo progredereis erat.

Sic igitur virtute tua LIS NATA perempta est
Spiritus ut cœlo, fama perennet humi.

Interim, dum ista commemoro; bellum crudele, ferox, exitiabile inter Francos, & Hispanos, quod iam viginti, & octo annos Galliam, Hispaniam, Germaniam, Italiam, gentes, rationes, totam denique qua patet, terram diluvio quodam, & inundatione corripuit, ut aliquid durius, ac perniciosius, quam bellum dici posse videretur: malum, quod præ sui asperitate caduceatorum industriam eludens, medendo ægrescebat: quo tempore in deteriorem timebatur interitum; subito quasi Divina voce detonante, silentiumque indecente, quiescit; nec pacis tantum, sed etiam sacro nuptiarum Christianissimi Regis, Regiæque Ibericæ Principis fœdere submovetur. Verè (si vnquam) in diebus nostris apparuit Mundum dare non posse pacem, salutiferumque munus eam esse, solius dexteræ excelsi. Ideò in tam felici, faustaque deprehensione, cunctarum gentium, horret adhuc animus, manifesta quoque gaudia differt, dum stupet, & tantò cunctatur credere voto. Quidquid verò humanitus in admirando facinore diuina bonitas interuenire voluerit, datur Mazarini Cardinalis eidem sapientiæ, qua prius arma Regia temperauit, victoriasque maximo Regi, & triumphos instruxit; nec parum pectoris eius altitudo extollitur, quod hinc Alexandri Summi Pontificis paterna vota, & adhortamina irrita esse noluerit, Grandia item nunc meditatur, & auspicatur in rei Christianæ augmentum. Ego verò dum quilibet de Christiano populo se vna, & eadem communi ratione, tanto hæroi adstrictum fatetur, & ipsius beneficentiam commendare compellor, quæ suo nutu fortunam iterum in Domum meam acerbis ictibus sauientem ita compescuit, ut etiam meliori earumdem statu deferuire coegerit.

Hæc

Hæc memorata volui (Cardinalis Eminentissime) vt meum erga te humillimum obsequium in vltima meæ vitæ periodo testatum relinquerem , Principibusque , & alijs egregijs viris de me non parum meritis aliquam speciem gratiæ referrem , confessus Celsitudini tuæ , quantum eis debere me sentiam . Cæterum , vt respondeat principio finis Epistolæ , multò latius quam cogitauerim euagatæ , oro cum bonis omnibus Deum optimum , vt quæ in sortem Excellentissimæ Gentis tuæ tam ante Columna, & Apis de regio eleuatæ capite (speciosius quam de Iouis cerebro fabulosa Pallas) prænuñcialle videntur , tu Antoniusque frater , vnà cum Vrbano Patruo Sanctissimo, iam superis vindicato, cæterisque Magnanimis Auis vestris , perpetuò de cœlesti specula aspiciatis in æternitate , priùs tamen diutissimè incolumes, atque hilares spectaturi in tempore .

Lutetie Parisiorum Idibus Iulij 1659.

